

Vitæ D. N. Iesv Christi Monotessaron Evangelicum

Heser, Georg

Monachii, 1657

155. Sente[n]tia Domini in servum nequa[m].

Nutzungsbedingungen

[urn:nbn:de:hbz:466:1-56533](#)

MEDITATIO CLIV.

*Ingratitudo & immisericordia ser-
vi illius.*

I. **E**gressus autem servus ille, invenit unū de conservis suis, qui debebat ei centum denarios: & tenens suffocabat eum, dicens: Redde, quod debes. *Matth. 18. Vers. 28.*

II. Et procidens conservus ejus, rogabat eum, dicens: Patientiam habe in me, & omnia reddam tibi. *Matth. 18. V. 29.*

III. Ille autem noluit: sed abiit, & misit eum in carcerem, donec redderet debitum. *Matth. 18. V. 30.*

MEDITATIO CLV.

Sententia Domini in servum nequam.

I. **V**identes autem conservi ejus, quæ fiebant, contristati sunt valdè: & venerunt, & narraverunt domino suo omnia, quæ facta fuerant. *Matth. 18. V. 31.*

II. Tunc vocavit illum dominus suus, & ait illi: Serve nequam, omne debitum dimisi tibi, quoniam rogasti me: nōnne ergo oportuit & te misereri conservi tui, sicut & ego tui misertus sum? Et iratus Dominus

nus

D. N. IESV CHRISTI. 145

nus ejus, tradidit eum tortoribus, quoadusque redderet universum debitum. *Matth.* 18. v. 32. 33. 34.

III. Sic & pater meus cælestis faciet vobis, si non remiseritis unusquisque fratri suo de cordibus vestris. *Matth.* 18. v. 35.

MEDITATIO CLVI.

Parabola X. boni pastoris, mercenarij, ovium.

I. **A**men, amen dico vobis: qui non intrat per ostium in ovile ovium, sed ascendit aliunde, ille fur est, & latro. Qui autem intrat per ostium, pastor est ovium. *Ioan.* 10. v. 1. § 2.

II. Huic ostiarius aperit: & oves vocem ejus audiunt: & proprias oves vocat nominatim, & educit eas. Et cum proprias oves emiserit, ante eas vadit: & oves illum sequuntur, quia sciunt vocem ejus. *Ioan.* 10. v. 3. § 4.

III. Alienum autem non sequuntur, sed fugiunt ab eo: quia non noverunt vocem alienorum. Hoc proverbium dixit eis Iesus. Illi autem non cognoverunt, quid loqueretur eis. *Ioan.* 10. v. 5. § 6.

G M E.